

Minangkabau - Baiak-Jahek Pangana Alkitab - Good-Bad Mind Scriptures

Baiak Pangana Alkitab - Good Mind Scriptures

Markus 5:15 Urang-urang tu bi tibo kabake Isa Almasih, inyo maliyek urang nan ka masuak-an roh jahek tu, sadang duduak disinan. Inyo lah babaju, pikierannya lah babaliak ka nan bana. Kasadonyo urang bi tabik takuik.

Lukas 8:35 Sudah tu urang bi ondoh-poroh kaluwa untuak maliyek apo nan lah tajadi. Inyo bi datang kabake Isa Almasih, tibo disinan inyo liyek urang nan lah lapeh dari roh jahek tu, sadang duduak dakek kaki Baliau. Inyo lah bakain baliak, nan pikierannya lah elok. Urang-urang tu bi tabik takuik.

Rasul 17:11 Urang-urang Yahudi nan di Berea, labiah tabukak atinyo daripado urang-urang Yahudi nan di Tesalonika. Sacaro jo sanang ati inyo bi mandangkan curito tantang Isa Almasih, satiyok ari inyo manyalidiak-i isi Alkitab, supayo dapek mangatawui, apokoh iyo lai batua pangajaran si Paulus tu.

Rasul 20:19 Sacaro jo randah ati, jo ba urai ayie mato ambo bakarajo untuak Tuhan, dalam parasaian nan ambo tangguangkan, dek karano ulah jahek urang-urang Yahudi.

Roma 7:24/25 Nah, bakcando ikolah ka adaan ambo: ambo mamatuahi paratuaran Jehovah jo aka budi ambo, tapi jo tabiyaik manusia ambo, ambo manyarah kabake doso. Baralah ka cilakonyo diri ambo ko! Siya koh urang nan lai ka namuah manyalamaikkan ambo, dari tubuah nan mambawok ambo kabake mauik ko? Ambo batarimo kasih kapado Jehovah! Baliau namuah manyalamaikkan ambo malalui Isa Almasih.

Roma 8:6 Jikok pangana angku-angku dikuwasoi dek tabiyaik manusia, mako akibaiknya adalah mauik. Tapi jikok pangana angku-angku layi dikuwasoi dek Roh Jehovah, mako angku-angku ka mandapek iduik nan sabana iduik, sarato ka mandapek raso damai nan dari Jehovah.

Roma 8:27 Mako Jehovah, nan mangatawui isi ati manusia, Baliau mangarati apo pintak Roh tu; dek karano Roh tu mamohon kapado Jehovah, untuak umaik Jehovah, sasuwai pulo jo kahandak Jehovah.

Roma 11:34 Di Alkitab ado tatulih nan bakcando iko, "Siyakoh urang nan mangatawui pikieran Tuhan? Siyakoh urang nan ka dapek mambari nasiyaik kabake Baliau?

Roma 12:2 Janlah dituruikkan caro-caro iduik urang dunia ko. Padiyakanlah Jehovah ma ubah diri angku-angku manjadi baru, supayo angku-angku barubah. Jo caro nan baitu angku-angku dapek mangatawui kahandak Jehovah -- iyolah apo nan baiak, apo nan samparono, sarato apo nan manyanangkan ati Baliau.

Roma 12:16 Iduiklah badamai nan surang jo nan lain. Janlah uju, tapi sasuwaikanlah diri angku-angku jo urang badarai. Janlah ma anggap diri labiah pandai daripado nan sabananyo.

Roma 14:5 Ado urang nan ma anggap, suatu ari tatantu, labiah pantiang daripado ari-ari nan lain, sadangkan ado pulo urang lain nan ma anggap, baraso kasadonyo ari tu samo sajo. Padiyakan sajolah tiyok-tiyok urang manantukan pandapeknyo surang-surang.

Roma 15:6 Sacaro jo sahati, kasadonyo sudaro dapek basamo-samo mamuji Jehovah, Bapak Tuhan kito Isa Almasih.

1 Korintus 1:10 Oih sudaro-sudaro! Ateh namo Tuhan kito Isa Almasih, ambo mamintak supayo angku-angku kasadonyo saiyo sakato andaknyo; jan sampai ado silang salisiah di antaro angku-angku. Andaknyo angku-angku basatu, sahati sapikieran mangkonyo elok.

1 Korintus 2:16 Di Alkitab ado tatulih nan bakcando iko, "Siyakoh urang nan ka tawu, baa pangana Tuhan? Siyakoh urang nan ka bisa manasiyaik-i Baliau?" Tapi, kitolah urangnyo, nan mampunyoi pangana nan samo jo pangana Isa Almasih!

2 Korintus 7:7 Indak dek karano kadatangan si Titus tu sajo doh, nan manggadangkan ati kami, tapi ado pulo nan lain nan manyanangkan ati kami, dek karano inyo lah mancuritokan, baraso angku-angku lah manyanangkan atinyo pulo. Inyo mangatokan, baraso angku-angku sabana taragak sangaik nak basuwo jo ambo; inyo ado pulo mangatokan, baraso angku-angku manyasa jo sagalo karajo angku-angku nan dawulu, nan kiniko angku-angku rela mambela ambo. Itulah nan sangaik manggadangkan ati ambo.

2 Korintus 8:12 Jikok angku-angku rilah mambari, mako Jehovah ka manarimo pambarian angku-angku tu, badasarkan apo nan ado di angku-angku, indak badasarkan ka nan indak ado di angku-angku doh. (1 Kronika 28:9)

2 Korintus 9:2 Ambo tawu angku-angku suko manolong, ambo lah mamanggakkan angku-angku kabake urang-urang nan di Makedonia. Ambo mangatokan kabake urang-urang tu, baraso, sajak dari tawun nan lapeh, sudaro-sudaro nan di Akhaya lah basadiyo untauk mambarikan sumbangan. Dek karano di sumangaik angku-angku tu, lah banyak pulo

di antaro urang-urang tu, nan lah tabik pulo sumangaiknyo.

2 Korintus 13:11 Akienyo sudaro-sudaro, andaknyo angku-angku bagadang ati, ba usawolah supayo manjadi sampaono. Tarimolah sagalo nasiyaik ambo ko. Andaknyo angku-angku iduik sahati, saiyo sakato. Jehovah Nan Pangasiah nan pandamai tu, ka manyaratoi iduik angku-angku.

Efesus 4:23 Andaknyo ati sarato jo pikieran angku-angku tu, dipabarui kasadonyo.

Filipi 2:2-5 Nah, cubolah angku-angku sabana-bana manyanangkan ati ambo jo parkaro-parkaro nan bakcando iko: Iduiklah sahati jo kasiah nan samo, jo pikieran nan samo, sarato jo tujuan nan samo pulo. 3 Janlah mangarajokan sasuatu, dek karano hanyo kaparaluan diri surang, atau untuak maninggikan diri. Sabaliaknyo, andaklah satiyok angku-angku, sacaro randah ati, ma anggap urang lain labiah elok dari diri sandiri. 4 Paratikanlah kaparaluan urang lain; jan hanyo kaparaluan diri surang. 5 Andaklah angku-angku bajiwa bakcando jiwa Isa Almasih:

Filipi 4:2 Sudari Euodia jo sudari Sintike! Ambo sabana mamintak, supayo sudari sahati sabagai urang-urang nan sa iman.

Filipi 4:7 Mako aman santoso nan dari Jehovah, nan indak mungkin dapek dipahami dek manusia, ka manjago ati sarato jo pikieran angku-angku, nan lah basatu jo Isa Almasih. (Yesaya 26:3)

Kolose 3:12 Angku-angku adolah umaik Jehovah. Jehovah mangasihi angku-angku, sarato mamiliah angku-angku, untuak manjadi miliak-Nyo nan tasandiri. Itulah sababnya, angku-angku musti mampanampakkan raso ibo, musti elok ati, randah ati, lamah lambuik, sarato tahan manangguang sansaro.

2 Tesalonika 2:2 Janlah capek ilang aka, atau rasah, dek karano dapek barito, baraso lah tibo masonryo Tuhan Isa Almasih datang baliak. Mungkin barito tu barasa dari suatu nubuat, atau dari suatu pangajaran; atau mungkin sajo ado urang nan mangatokan, baraso kami panah manulihkan nan bakcando itu, dalam salah ciyek surek nan kami buwek.

2 Timotius 1:7 Dek karano, Roh nan diberikan Jehovah kabake kito, bukannya roh nan mambuwek kito jadi panakuik. Sabaliaknyo Roh Jehovah tu, mambuwek kito manjadi kuwaik, panuah jo raso kasiah, sarato dapek manahan diri.

Titus 2:6 Baitu pulo, nasiyaik-ilah urang-urang mudo, supayo inyo manjadi bijaksano.

Ibrani 8:10 Tapi kiniko, ikolah pajanjian nan ka Den buwek jo umaik Israel, di ari-ari nan ka tibo, kecek Tuhan: Aden ka malatakkkan paratuaran Den, ka dalam pikieran urang-urang tu, sarato ka Den tulihkan di atinyo. Aden

ka manjadi Jehovah nyo, inyo tu ka manjadi umaik-Den.

1 Petrus 1:13 Dek karano itu, andaklah angku-angku basegeh-segeh. Ingek-ingeklah, sarato baharoklah sapanuahnyo kapado barakaik nan ka diberikan kabake angku-angku, dikutiko Isa Almasih tibo isuak.

1 Petrus 5:2 supayo angku-angku manggubalokan kawanan domba, nan disarahkan Jehovah kabake angku-angku. Gubalokanlah inyo sacaro jo sanang ati, samo jo bakcando nan di inginkan dek Jehovah, janlah sacaro jo barek ati. Janlah pulo mangarajokan karajo angku-angku, dek karano nak mandapek ka untuangan, tapi, bakarajolah dek karano angku-angku sabana-bana niyo malayani.

2 Petrus 3:1 Oih sudaro-sudaro ambo nan tacinto! Ikolah surek ambo nan kaduwo ko kabake angku-angku. Di dalam surek nan duwo ko, ambo ba usawo mambangkikkan pikieran-pikieran nan barasiah dari angku-angku.

Yakobus 1:17 Satiyok pambarian nan baiak, sarato jo adiyah nan samparono, datangnyo dari sarugo, diturunkan dek Jehovah, Nan Manjadikan sagalo tarang nan di langik. Baliaulah Jehovah nan indak barubah, sarato indak pulo manyababkan kakalaman apo pun juwo. (Ayub 23:13)

Wahyu 17:9 Dalam parkaro iko, paralu ado kabijaksanoan, sarato jo pangaratian. Tujuah kapalo tu iyolah tujuah bukik; iyolah bukik-bukik tampaik padusi tu duduak. Tujuah kapalo tu adalah tujuah rajo pulo:

Jahek Pangana Alkitab - Bad Mind Scriptures

Markus 7:21 Dek karano datangnyo dari dalam, iyolah, dari dalam ati timbuu pangana-pangana jahek nan manyababkan urang mangarajokan nan cabul, mancilok, mambunuah, (Hizkiel 38:10)

Lukas 12:29 Dek karano itu, janlah cameh atau ilang aka, tantang apo nan ka angku-angku makan, tantang apo nan ka angku-angku minun.

Rasul 12:20 Herodes sangaik bangihnyo kabake urang Tirus jo urang Sidon. Dek karano itu, urang-urang tu basamo-samo tibo mangadap kabake Herodes. Mulo-mulo inyo bujuak si Blastus nan mangapalo-i istana Herodes, saingga si Blastus bapihak kabake inyo. Kudian inyo bi payi mangadap ka Herodes untuak mintak badamai, dek karano bahan makanan di nagarinyo, bagantuang ka nagari Herodes.

Rasul 14:2 Tapi urang-urang Yahudi nan indak namuah picayo, inyo bi ma

asuang-i urang nan indak urang Yahudi, saingga urang-urang tu jajok kabake urang nan ba iman kapado Isa Almasih.

Roma 1:28 Dek karano manusia maraso, indak paralu tawu jo Jehovah, mako Jehovah mampadiyakan pikierannyo manjadi rusak, saingga urang-urang tu mangarajokan karajo-karajo, nan sapatuiknyo indak buliah inyo karajokan.

Roma 8:6,7 Jikok pangana angku-angku dikuwasoi dek tabiyaik manusia, mako akibaiknyo adolah mauik. Tapi jikok pangana angku-angku layi dikuwasoi dek Roh Jehovah, mako angku-angku ka mandapek iduik nan sabana iduik, sarato ka mandapek raso damai nan dari Jehovah. 7 Urang nan pangananyo dikuwasoi dek tabiyaik manusia, ba arati urang tu bamusuahan jo Jehovah; dek karano inyo tu indak tunduak kapado paratuaran Jehovah; nan inyo tu, indak ka dapek doh tunduak kapado paratuaran Jehovah.

Roma 11:20 Batua, iyo baitu. Tapi, urang-urang tu mangko inyo dibuwang, dek karano inyo indak picayo, sadangkan sudaro mangkonyo ditarimo, dek karano sudaro picayo. Jadi, janlah sudaro tabik uju dek karano di itu; malah musti sabaliaknyo, sudaro andaknyo maraso takuik.

2 Korintus 10:5 jo itu pulo kami runtuahi benteng-benteng urang nan uju, nan ditagakkan untuak malawan pangatawan tantang Jehovah. Kami kalahkan pikieran urang, sudah tu, kami tunduakkan inyo kapado Isa Almasih.

2 Korintus 11:3 Tapi ambo maraso kuatir, kok pikieran angku-angku tapadayo, sampai indak satiya lai kapado Isa Almasih, saroman jo Siti Hawa sa isuak, dek kagalie-an ula, inyo tapadayo.

Efesus 2:3 Dawulu, kasadonyo kito ko samo pulo jo urang-urang tu; kito iduik mampaturuikkan tabiyaik manusia kito, kito mangarajokan apo nan katuju dek badan, sarato apo nan manyanangkan pangana. Dikutiko itu, kito adolah urang-urang nan kanai bangih pulo dek Jehovah, samo jo urang-urang nan lain.

Efesus 4:17 Dek karano itu, dalam namo Tuhan, ikolah nan ka ambo katokan, sarato jo nan ka ambo jalehkan: janlah iduik bakcando urang-urang nan indak ba Tuhan Jehovah, janlah dipikiekan nan indak-indak.

Kolose 1:21 Dawulu angku-angku jauah dari Jehovah. Angku-angku mamusuahi Baliau, dek karano kalakuan, sarato jo pikieran angku-angku jahek. (Kiyeh 21:27; Hizkiel 23:17)

Kolose 2:18 Janlah angku-angku mampadiyakan diri dirugikan, dek urang nan icak-icak marandahkan diri, sarato dek urang nan manyambah malekaik-malekaik. Urang tu uju, sarato jo sagalo pikierannyo nan

duniawi, sarato mamanggak-manggakkan sagalo paliyatannyo nan tasandiri,

- 1 **Tesalonika 5:14** Kami mamintak pulo sudaro-sudaro, agiah tawulah sacaro elok urang nan indak namuah bakarajo; tabahkan ati urang nan takuik; tolonglah urang nan paralu ditolong, sarato saba-lah taradok kasadonyo urang.
- 2 **Tesalonika 2:2** Janlah capek ilang aka, atau rasah, dek karano dapek barito, baraso lah tibo masonryo Tuhan Isa Almasih datang baliak. Mungkin barito tu barasa dari suatu nubuat, atau dari suatu pangajaran; atau mungkin sajo ado urang nan mangatokan, baraso kami panah manulihkan nan bakcando itu, dalam salah ciyek surek nan kami buwek.
- 1 **Timotius 6:5** sarato jo pasalisianan nan indak abih-abihnyo. Jalan pikieran urang-urang tu lah tasumbek, sarato indak batua lai. Inyo manyangko bisa manjadi kayo dari agamo.
- 2 **Timotius 3:8** Samo jo bakcando Yanes jo Yambres, nan malawan Nabi Musa saisuak, jo caro nan baitu pulolah urang-urang tu malawan pangajaran nan dari Jehovah. **Pikierannya lah rusak, nan imannya lah runtuah.**

Titus 1:15 Sagalo sasuatu adalah suci bagi urang-urang nan suci. Tapi, bagi urang-urang nan pikierannya kumuah, sarato nan indak ba iman, indak ado ciyek juwo doh nan suci dek inyo, dek karano, pikieran jo ati nuraninyo lah kumuah!

Ibrani 12:3 Cubolah pikiekan, baa ka sansaronyo Isa Almasih ma adok-i urang-urang badoso nan malawan Baliau, jo caro nan sabana kareh, sarato jo manyakikkan! Dek karano itu janlah baketek ati, sarato janlah baputuih aso.

Yakobus 1:7/8 Urang nan bakcando itu indak tatap pangananyo; inyo indak bisa saketek juwo ma ambiak kaputusan, dalam sagalo sasuatu nan dibuweknyo. Dek karano itu, indak usah pulolah inyo ma arokkon, untuak mandapek sasuatu dari Tuhan.